



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Liber Theologiæ Moralis, Viginti Qvatvor Societatis Iesv  
Doctoribvs Reseratvs**

**Escobar y Mendoza, Antonio de**

**Lvgdvni, 1659**

IX. De legis obseruatione.

**urn:nbn:de:hbz:466:1-41066**

æn fundatur, seu quando forma substantialis requisita ad valorem non seruatur.

54. *Ad incurvendam irritationem actus requiritur ne scienza Legis irritantis?* Minimè speciatim illius actus, qui defecetu formæ substantialis irritatur. Vnde Matrimonium clandestinum est inualidum etiam respectu illius, qui Tridentini decretum Matrimonium clandestinè initum irritans, ignorat. Item qui beneficium obtinet bona fide per pactum Simoniacum, quod ipse ignorat, inualidè obtinet.

55. *Actus humana lege irritus obligat ne in conscientia?* Obligat; Ecclesia enim & Principes possunt actus in utroque foro irritare.

56. *Actus ne contra Legem prohibentem sunt inualidi ex eo solum capite, quod prohibentur à Lege?* Minimè; multa enim illicite sunt, quæ tamen facta tenent. Neque verò omnes actus, qui iure naturæ prohibentur, sunt irriti: validus enim est contractus, quo quis rem vni promissam alteri vendit validum Matrimonium de præsenti cum una celebratum, post sponsalia prius celebrata cum alia: quamuis delinquat utriusque contractus prævaricator.

57. *Actus contra ius commune est ne ipso facto irritus?* Ita planè: at non secundùm se, & in foro conscientiæ ante sententiam iudicis: sed quia per sententiam iudicis ita declarari potest irritus, ac si irritus à principio esset. Id quod in iis tantummodo locis procedere affirmo, in quibus Lex Theodosij Imperat. quæ incipit: *Non dubium, recepta est.*

58. *Actus celebrati sine forma substantiali, ac sine solemnitate à iure requisita sunt ne validi?* Minimè: sed in utroque sunt inualidi foro. *Quandónam autem solemnitas substantialis adesse censetur?* Quando clausula apponitur factum irritans sine huiusmodi forma celebratum. Scio sanè actus ad causas pias factos excipiendo: sunt enim validi etiam sine solemnitate à Ciuali iure præscripta.

---

C A P V T   I X .

*De Legis satisfactione, seu adimplectione.*

59. *L* Ex ne aut præceptum potest adimpleri ex actu ex aliqua circumstantia malo? Potest: ut quando quis ex vanæ gloria motu ieiunat: modus quippe sub præceptum

46      *Moral. Theologia Tract. I. Leges,*

non cadit, dummodo non sit de intrinseca ratione præceptum: ut quando alioquin præceptum non valet adimpleri, nisi modus adimpleatur. verbi gr. qui dormiens Missæ assistit, non satisfacit Missæ audiendæ præcepto; quia assistentia humana requiritur tanquam modus ad præcepti pertinens substantiam.

60. *Possim ne unico actu pluribus præceptis satisfacere?* Potes; superior enim à cuius mente legis obligatio penderet, id concedere præsumitur. Vnde qui ieunium in Vigilia D. Petri voulit, eadem abstinentia & Ecclesiæ præcepto, & voti obligationi facit satis.

61. *Eodem autem tempore per diuersos actus possim ne pluribus satisfacere præceptis?* Potes plane, quando unus actus alium non impedit. v.gr. qui tempore, quo celebratur Missæ sacrificium, horas canonicas recitat, utriusque obligationi satisfacit, quia unus actus non impedit, alium utroque scilicet ad Dei cultum tendente.

62. *Vt præceptum impleatur, requiritur ne intentio præstandi opus, quod præcepitur?* Ita plane. v.g. vt quis præcepto audiendi sacrum satisfaciat, requiritur intentio Missam audiendi, quia opus præceptum implendum est humano modo, seu cum intentione illud præstandi. Non autem erit necessarium, vt opus præceptum fiat cum intentione satisfaciendi. v.g. Missam audit nesciens diem festum celebrari, præcepto satisfacit. *Quid si quis opus præceptum præstat cum intentione non adimplendi præceptum per illud opus: satisfacit ne, si postea mutet intentionem?* Ita sane. v. g. Audio Missam intendens non adimplere præceptum illa auditione, sed alia; postea accidit alijs Missæ non interesse, præceptum impleui; quia opus iunctum præstisti.

---

C A P V T   X.

*De Legum interpretatione.*

63. *L*cet ne Leges interpretari, non solum exponendo, verum etiam ampliando, & coarctando. Licit; hic enim usus, & praxis viget. Porro Tridentini decreta fas est obiter, & humiliter rebus in dubiis interpretari. Declarationes Congregationis Cardinalium circa Tridentinum maximi quidem sunt ponderis, ab iisque non facile recedendum: vim tamen legis non habent antequam sufficienter promulgantur;